



重校鶴山先生大全文集卷之六

古詩

贈曾鑿

太極分陰陽物物具兩儀乾坤互南北坎
離迭東西四時有見伏晝夜有盪推夫人
遷於物由之而不知六淫一爲沴大命鑿
所司或當暑而裘或御冬而絺或學製而
傷或助苗而萎其間號爲儒亦以身嘗鑿
江西有曾君邂逅荆江湄暇日與之語切
嗟及幽微傍人趣行邁欲別不忍離乃書

所素講為詩以贈之

四川茶馬牛寶章大季修楊子墨池

以書索題詠

子雲一去千餘載惟有成都墨池在草元
此地是邪非元文今在人誰知雖逃劉歆
醬甌阮鼠壤蛛窠蠹魚宅豈無學者工探
求不譏僭聖譏贅肫自從馬邵造元域晁
氏譜之張氏翼亦云察矣人猶疑試為諸
老申其辭易書廣大包天地辭變象占都
一致世儒造入各不同有一于此均為功
况於易元玄相發不同之同真善學曆家

中首先黃鍾雖以坤復為初終中首先黃

八十一首起中以律中孚取復紀日天正

始牛宿又以日星分左右元至甲子朔旦

初度取日所歷之起從冬至易元均意欲

取臣承明君臣承君謂主日易書八八而

用七對者八用七謂六十四卦不反對元文九

九而存一首九存一謂元有八十一易分

六位中二五臣志上通君下取元以一五

而為中君道君尊臣代終元文主日易主

歲元主日謂日法取朔至牛宿初度易主

一歲請起甲寅歲凡四千五百六十歲為
極此康節說一易書為經元為緯謂元於

易如地之或云元準卦氣圖是圖疑亦非

於大也

易地承天就中邵子尤知元康節準易圖

聖書豈知中復與咸遇乃是陰陽自然數

元準卦氣圖自復至咸八十八陽九

二陰自遇至中孚八十八陰九十八陽九

至遇六日七分中孚至復亦六中孚咸或

故上系七爻下系十一爻亦起中孚咸或

云元倣太初歷黃鍾之分八十一豈知虛

三與虛九其數雖同其法否太初歷以律

分爲日法取黃鍾之管九寸九凡八十四

分存律呂數用七十有八即虛三也元八

九也即虛或云元象宗渾天渾天方象包於

圓豈知兼用蓋天說蓋以輿地承純乾雲子

輿思渾天而作太元渾天以天包地而元

以方州部家圓圖在上首表贊方圖承其

說下乃兼用蓋天之象也易雖無元不爲闕易更

得元滋有發且如河圖與洛書發揮道數

無遺餘後來支榦及聲律運氣參同至太

一起此數者雖與圖書與易並行人不譏千

岐萬轍同一歸况元於易同而異何獨

於元譏議子雲之師曰林間鶴山之下訓

其徒子雲之師曰林間翁儒臨自翻機杼

作生活律歷圖書無不合若非馬晁二公

蜀吟池上多海
棠不知年矣

和靖州判官陳子從山水圖十韻
予迂靖州判官陳子從珪為隣嘗
從容出示靈竹僧不二山水圖其
未有乃祖乃父十詩二改前賢風
裁邈不可及取次韻以識高山景
行之仰云

外物羈繫人無退亦無遂愧彼自由身朝
發予夕至

右彭蠡歸舟

山堂有何觀四時互興歇萬物隨天根東

生復西域

右山堂曠望

水月皆內景入秋倍清暉世無善觀者滄
滔吾誰歸

右重湖汎月

士非耕釣者而從簞笠翁人生貴適志莘
渭亦時中

右星灣晚酌

澤氣蒸前山起自膚寸微競看千丈暴不
悟片雲飛

右雨後觀瀑

松栢不受凋此亦易知耳須看竹有筠與
松相表裏

右松徑晚步

莫作流看谿天命無窮已詩人若知得千
古可坐致

右谿上賦詩

散髮避炎暑炎暑苦相尋云何對大賓不
見汗沾襟

右林下避暑

松竹貫寒暑而梅時往來不知復妬意隨
人謾徇

右載酒尋梅

懷人得清晤此樂浩無期刻谿興盡返未
喻伐木詩

右雪中訪友

過屈大夫清烈廟下

歸州歸鄉注

鸞皇棲高梧邠能顧鷓臬椒蘭自昭質不
肯化艾蕭人生同一初氣有善不善一爲
君子歸寧受流俗變云何屈大夫屬意椒
蘭芳蘭臬並椒其不芳薦椒醬騷中與歌
首蘭必以椒對謂椒具不芳謂蘭不可佩
此言混凡卉臭味自爾殊云何歲時改二

物亦變初以蘭爲可恃委美而從俗椒亦
佞且惰干進而務入椒蘭信芳卉氣質自
堅好胡爲壞於廷晚節不可保意者王子
蘭與夫大夫椒始亦稍自異久之竟蕭條
迨其習成性甘心受蕪穢不肯容一原寧
以宗國斃禹皋於共工且封與鮮度同根
復並生何嘗改其故原非不知人觀人亦多塗治朝中
可上亂世賢亦愚况原同姓卿義有不可去所望於兄
弟謂其猶可據我本兄弟文孰知胡越予以是觀離騷
幾原心乎或去芷蕙等豈必皆名氏騷者
詩之餘毋以詞害意仲尼作春秋定哀多
微詞楚之嬖小臣况亦有不知

至左縣書懷呈榮州綿州二兄

歲行析木予去國鶉尾之年纔返室東西
南北著此身水陸二千三百日或云子非
善謀身幸生斯世同斯人胡爲嗶嗶苦自
好輕辭富貴重絕貧五谿之濱有何好兀
坐六年不知老葦門待汝有何惡要把山
林易旌燾子聞其言心自語吾非斯人而
誰與獨嗟行止各有時龍蟄鴻歸亦其所
洋州拔將鳩餘民仰空待教人不聞黎州
邊丁成內郡空養赤子防西門綿州近阨

劍龍路列雉驚奔渠不顧敎州孕螿亦良
苦卒以憂勞棄予去見危授命理之常苟
得死所庸何傷所憂人已兩死益燕蝠晨
暝徒皇皇鶴山之顛一畝宮我名吾亭口
願豐只祈天心諒悔禍雨禾雨麥蘇民窮
有糧餉士可衛民有民給耕可供軍民相
資護關塞固又須監牧長得人規摹便立
久安勢不作目前苟偷計弟兄歸與里父
師長對春風賦棠棣

壽四川制置李侍郎

崧高二王德豐水數世仁一心千古脉一

氣三才根人言通德門封培知幾春陵州
不盡用雖國非全神厥羨鍾在季魯殿
然存誰知中興主流澤被子孫是用遺一
老爲社稷萬人三朝典刑舊四海觀聽新
自公鎮西南威声憺胡虜棄地遄歸疆餘
民亦安土便當度雙劍建大將旗鼓進賢
黜不秉討貳誅失伍增屯御驕卒募耕實
邊園堂堂當道臥一勇銷百侮願公排群
議釋我分外慮上流屹長城却歸輔明主

送高才卿出守嘉定

次東坡送
張嘉州韻

十年誰遣不寧侯麇奔鳥散十七州餘州

魁蹙能幾許史君今作載酒遊諸公飲儔
已濡首眼前百事不挂口震風凌雨揭卻
屋左蟹右杯猶在手史君千騎行清秋豈
爲杯酒饒涎流綢繆牖戶旣云晚夢寃不
到花繞樓乖逢聚散古來有而我此時持
此酒河梁竚立不知還插頷青絲半成叟
次韻蘇和父自耶見寄

敬共事明德懷如槃水時豈惟將弗勝抑
恐濁且滋結髮齒名宮幾被末俗移學晞
遷商博文慕莊騷爲書不記癡龍詁不通
雌霓恥於市朝捷甚於溝壑濟大道砥如
平跖身蹈躄危迨其閱世久始識真聞知
天命賁草木生意長萋萋蕃鮮固可樂稿
瘁安足悲陰陽孰信訕日月誰盪推乾坤
奠中極雷澤周四陞夫人命於誠地生而
天施五行根五事位育誰司之嫫浮溺于
詞躁輕亂干儀山雞銜清影祇以速顛躋
况彼膜外榮皇皇復滋滋此於我何加寒
暑自四時蘇公西南彥儀鴻漸于遠而我
坐遠屏七年墮蠻夷夢思岷山陽枯筇伴
龐眉人才日零落憔悴西南維大運忽開
子炯炯晨星垂公來可勇邁我往何棲遲

敢晞會溫潞竊願商泳伊默嗟氣相求范
喧蜜成脾梅邊立踟躕正待陽春歸

七夕南定樓飲同官

誰將明星貼天宇州國宮垣象官府更將
四七隨天旋常以昏中殷四序迢迢河漢
衡秋旻前有蒼龍履玄武牽牛正向西南
來左右兩旗北河鼓鼓星之側為天桴鼓
上三星為織女何年人號天女孫便把牛
郎擬夫婦不知此是天閔梁河漢之津有
常度晦明伏見莫非教肯為文人給嘲侮
班曹瘦謝猶嚮言言世上兒曹更堪數臨風
三誦大東詩須信詞章有今古

中秋領客

中秋無常期月望無常歷况於月之房歲
十有二集云胡三五夜賞翫著今昔我觀
魏晉前未有娛此夕月禮承訛變淫液天
行至東北陽外乃朝日日月向南來三務
趨朔易則於陰之反順時報陰魄古人敬
運隨處察消息俗學踵謬迷更以擬科級
廣寒八萬戶桂樹五千尺文人同一辭祇
以驚俗客墨墨數百年月如有冤色為作
反騷吟聊以補載籍

重陽領客以老杜舊日重陽日詩分韻凡賓主十八人得不字

天根歛秋陽雨畢水歸藪胡爲爽常度白
晝變昏黝農功將納塲餘秉尚棲畝昨朝
告方社卷去日中蔀羲和鞭六龍爲我作
重九雲頑驅復來渾未識減不終然割剗
之金鑷發矇眛所忻陽德競吾豈爲杯酒
悠然見南山陶公意何厚兄今祠太宮群
公正奔走

游北巖之疇昔夢作二詩覺而僅記
一聯云鬢髮絲絲半已華猶將文字

少年誇明日爲客誦之客十三人請
以是爲韻丁分鬢字

時事彫壯心詞華誤雙鬢昨夢忽傲予覺
來起孤憤五官予所司此夢乃予訓見心
協著龜是氣通履輝形骸且不察理性抑
難盡曉筇度雲壑疏林露鷹隼暮歸踏江
聲寒流燭蛟蜃惕思懷曩日氣勢如項陳
天根忽晨見卷去不盈瞬猶然玩文采言未
知分韻

上巳領客

流觴元巳奚所因更指三日爲良辰山陰

坐上皆豪逸長安水邊多一瓦人臨流有許
豪興麗元無一箇能知津韓嬰何憑指溱
洧東哲胡據誣周秦千年混混同一波競
言此日天氣新其間號曰該治者或言胤
降祠高辛春分以後弗無子徃徃援引詩
生民說雖有稽義猶鑿况復除日經無文
子嘗妄意已爲火季春火見疑乘寅寅居漢
津火所畏故以元已被水濱一年奇月必
用重三三欲解陽德屯較之前說已云近
終媿俚俗疵吾醇要須挈我游泗上回瓢
點瑟看長春

永嘉林君詛父得英石名其室曰旰
齋子易以介室

柳侯謂楚南多石而少人至今英道間異
石何嶙峋乃知五行氣中土爲秀民降才
旣匪易自棄奚不仁佻文日炎灼乃以焚其
身林君若知此是石當書紳

羅五星善奕碁干詩

少年不識碁但見剝剝琢琢更相圍有人
指授予衝閑奪角劫復持少年不識星但
見膈膈膊膊還如碁亦有告予者縮羸伏
見元有期七年五谿讀書暇時把二事相

悅怡久之割然悟是間有數人不知三百
六十一棊子此是乾策藏其奇萬有一千
五百二十星若以三十六乘之乘之既盡
除坤策恰與棊數無參差此理極精密歸
後不復思羅生挾二長過我瀘之湄恍如
著我五谿上欲與之語無閑時此須靜觀
乃有得而我家住西山西生揣我何時歸

七夕有賦

經星不動隨天旋在被朝譖千餘年無情
文象豈此較獨嗟陋習輕相沿我嘗作詩
詆排之尚有遺恨忤陳編人於萬物爲至
靈聰明照徹天地先其如形氣之所囿則
以學問開蒙顛不知誰爲乞巧者乃謂天
孫執其權天孫能襄不能報世間之拙無
加焉癡兒騃女競針縷高樓大第迷管絃
漢魏以來用一律無人出話扶其顛其間
假拙濟巧者又欲託此文姦言敢因良會
追往事更發此義聲餘寬

黃成之量求靈舟詩

黃君求我古誠州求之不得還西遊所求
易與胡不與渠家自弄莊生舟莊生傳之
賈太傅便將死生同浮休我家舟子與渠

別中孚之象剛包柔仰山俯澤乘巽木藏
離伏坎含坤牛中間至虛若無物實理備
具非空浮此在太玄首黃宮其於參同居
中洲會通古今貫微顯上下天地同周流
人將百年等浮漚我以千載爲春秋我言
似大而非誇人人皆有不自求黃君不信
謂予赫我自姬孔君莊周

中秋有賦

望舒與日元非敵震受陽光巽成魄六十
四象不言月三百五篇機月出右道貴陽
不貴陰賓礼卜晝不卜夕世間賞翫起何
年誤却千年醉狂各不知客有肺腸無
更把荒証作真實我因時序嘗作詩洗
盡兔窟蟾宮迷今年新作東樓成胡爲
尚此窮攀躋人心和平民氣樂日月昭
明天宇豁須知此事與政通不是詞人
閒賞月

送游吏部赴召

天馬周流不停策青龍卦空山無色區中物
物見根源雲樹依依送行客鏃金伐鼓行清
秋江頭組練雲如稠道旁老人相與語主
賓聞之愕相顧或云造閔如登仙一聲聲言

咳落九天豈知位高勢逾偏莫向紫宸庭
下立非閑敢芻解啗嘿紫宸地禁鳴不得
或云敢言擬鳴鳳千古高名泰山重豈知
說著心骨驚臣名愈重國愈輕或言古人
重晚節元忠子方費分說豈知晚節不難
保却憂攘臂爲人笑三人所贈不皆然然
則子也今何言元祐中年基紹聖建中靖
國何嘗靖若教此事欠講明直將兩是爲
端平是時臣言便休得臣不憂身却憂國
臣願天意開平治明良長似改元時史剛
未終戒菟陸始陰雖微畏羸躅真教世道

端且平寧使臣無赫赫名三人輒然笑子
之所願吾不到吾言必於身子言望於人
子意雖厚吾言貴低頭謝二老還以告景
仁

奉謝資陽謝絕夫諸友是日三池周
季章馮季修許德開資中支仲壬至
謝介卿馮清叔廣漢常光父繼至遂
寧揚儀斯期而未至

駕言南東畝捷出西北隅資陽有八士持
謁要諸塗須臾平泉道衣冠被林廬問我
來何方過我不適子吾非煩囂避樂此簡

便趨經行三紀後舊交半丘墟翁仲草沒
黎兒孫霜滿頰其間最所懷劉公貴丈夫
訖張二良友直氣橫九區堂堂舍我去顧
景霜月孤寒梧陶令宅宿州黃公壚我豈
無肺腸拊事成嗟吁待到西州門不如早
回車作詩謝諸友努力興遠圖三家令子
弟不諒予心乎

贈畫工王生

七年謫五谿二年守三廬蠻烟瘴雨中不
改舊時吾此來懶看鏡謂我衰且癯王生
忽肖象氣貌何手搢悔不賂王生圖作一
病夫庶幾轉而上聽我歸林廬及此未衰
日更讀幾年書

次韻趙制置制勝軒詩

何年誤認龜作熊力小知薄當戎衝級夷
藩枝牖戶破至今風色長如冬去年推轂
以授公單車飛度雙劍峯風稜犖犖膽氣
雄臨淮軍壘足跡重夜起攬衣瞻井絡鑄
鐵不知經幾錯胡來談笑上文楸龜頭局
中虎口着誰將輿柴誤戰塵天戈一揮如
砥平濯洗獬豸威蠻荆捷書夜上白玉京
考成軒戶適茲日一吐十年胃佛鬱看詩

又覺饒餘力要殄餘憂寬肝食書生喜極
還太息天下憂端尚非一經營分表竟何
益盍護本根保成勳

端平三年春三月戊午朔

天子有詔俾臣了翁以僉書樞密院
奏事既上還山之請乃休沐日丁丑
與賓佐謁濂溪先生計賓主凡二十
有二謂是不可無紀也遂以明道先
生雲淡風輕之詩分韻而賦而詩有
二言有四言同一韻者則二客賦之
了翁得雲字

書生不知分奉詔行三軍赤手張空券幸
脫貔虎群四海蓮華峯濂溪張清芬擬求
一勺水浣我三斗塵翠湫明夕霏晴雲盪
朝氛重上夫子堂聲咳如有聞池蓮已濯
濯庭草長忻忻重惟夫子書千古披昏氛
善惡萌於幾陰陽玄而分一落俗儒喙哢
哢齒穿齟流傳豈不廣世道滋故分書生
屢乞骸歸耕故山雲願言與同志相期任
斯文

江東漕使允約遊鍾山分韻得冷字
連年飲建業寤寐北山靈三過又不入風

兩盲其程一朝決會期萬籟不敢聲斷潢
捲夕潦列巘浮霄青因思山中人昔日相
熙寧不知學何事莽制爲周經群公咸其
輔不悟宗康成相承至章蔡九州半羶腥
歷年百七十衆寐未全醒三經猶在校從
祀猶在庭追惟禍之首千古一涕零大鈞
宵難問山雲水冷冷

贈畫工王三錫傳神

氣質紛不齊四海無似人藉令貌相近氣
有醇不醇善觀人品者儀觀與機神正邪
眸子見善惡眉間分且如孔與虎二人自
非倫而俱類孔子俗眼何昏昏古人有夢
遇便知爲良臣又能記眉目曉然得其真
此須以神會難與淺者論王生歸爲我試
語司寇君此理充得去三代同此民

題溫泉

廬山一滴水雕畫詩人腸道傍有溫泉愬
然如遺忘淺夫旣閣筆知士亦括囊或云
匪難知水火玄陰陽水根於一天至陽所
潛藏所以井生熒亦有泉如湯吾嘗謂或
言子語未精詳水實含內景火乃無寒光
水將而不迎火迎而不將君看月受日又

驗坤含章吾言與邵語或可補詩匡口又
 言子語未詳精水實含內景火公無寒天
 盤藤所必非主發亦亦泉吹戲吾嘗語迄
 相鑿映水大玄刻刻水射林一天星湖所
 然吹豈忘茲夫地閣華映士亦林樂道云
 靈山一處水翻盡替入翻直對青巖泉
 賦
 重校鶴山先生大全文集卷之六
 重校鶴山先生大全文集卷之七

古律詩
 次程少逸餞楊叔禹汝明教授
 載酒時從執戟郎雅知清望稱鴛行肯來
 芹泮提英茂要取芳編閱舊香玉倚蒹葭
 方借潤珠移甍社陡寒光臨來莫恨車無
 角疑睇雲霄紫鳳翔

和史少莊登山韻三首
 賸喜向前坡人情柰怯何君今高着步直
 與陟嶒峩田間逢醉尉人道誤誰何世路

日杲杲冥行宜見呵母謂支山險此山能
幾何崎嶇十年夢如歷幾蹉跎

一詩三何不知所謂
不敢強解姑仍舊

和李參政壁龍鶴菴廬二首

落紙新詩萬口傳
逍遙舊夢記坡仙
明虹短雨下平楚
老鴈長雲橫半天
澗底青松不改色
檻前流水謾安筌
寄聲多謝無名子
莫攪詩翁禿鬢眠

古往今來一貉丘
行藏有道坎還流
鳳凰池上春風夢
龍鶴山頭夜月秋
閑曳深衣聊獨樂
有懷連壁賦三游
何人得與余心會
野水黏天一片鷗

和李校書_準沐川三絕

靜看青山簇髻鬟
動觀碧水漱潺湲
潏若教此景來
鄧部爭奪應成觸
與蠻花時乘傳柰邊
心撩弄新詩逼少陵
詩到湖邊春未老
不禁春思也微吟
玉節行邊春正濃
邊頭壯士簸旗紅
何當平賊攜諸吏
徑上高寒翦翦風

次韻外舅楊崇慶_熹以詩相招_{三首}

炎威翕翕正塵人
惟有西風不世情
困臥小窓倦賓客
吹將好語到巖扃
去年湖上看花時
拍檻呼魚酌酒卮
魚計

主人已非昔猶驚故處上鈞遲

寄語荷郎且緩開山中衣製要君裁不隨
襍穢觸熱去衍學山陰乘興來

李參政壁見招游龍鶴山而歸途有

作

上有高峯樹倚天下臨深澗水生煙陶鑿
泉石山中相舒卷雲霞地上僊松色呼兒
開後檻筍輿爲客過前川不因同落天涯
久那得巖扉共此緣

亂澗穿雲十里閑好風吹袂出重山潺潺
流水半歸壑唧唧候蟲皆閉關興念歲時
驚變態靜觀物化識回環並溪的皪梅花
樹已帶明年春事還

和范少才子長詠雪三首

底處呼滕六催將歲事闌窓明朝采爛枝
瘦夜光蟠炫晃山林老模糊天地寬曉琴
絃欲折難忍溧陽酸

隨踏曉巖去殿頭金井闌路門圭壁委雙
闕絳青蟠拜手朝紳肅憂心肝食寬歲麩
今有望寧復壓菹酸

寒陰彫草木枯葉委庭闌蒼聳孤松秀青
敷萬竹蟠封條繞貼妥見睨復歌寬但使

根長在母憂風哭酸

恭和聞喜宴賜毛自知以下

御製

昭代賓賢禮意誠
鎬京設席藹儒纓
龍飛十二周星紀
鵬運三千擊水程
雲漢成章新寵渥
鈞天張樂播和平
微臣置饋申規戒
賢網雖恢用欲精

和張大著顛字韻二首

步弱扛豐分疾顛
不忤臭腐易芳鮮
眼前富貴蟻奔堙
膜外功名鷗避船
忠憤無因塵匕夜
隱憂深覺負丁年
一窓風雨看書卷
三度索梅雪可憐

張張趨局曉衣顛
妙語飛來墨已鮮
太一藜然分夜隙
蓬萊海闊接風船
臨邛詞客雖未至
淮海簽書非少年
獨抱區區無我察
聯篇重拜玉人憐

張大著以韓拊國綠樽紅妓事再和

見戲復次韻

世路羊腸幾覆顛
如君操行雪朝鮮
書曾滿貯宣和庫
學力要裝元祐船
賸喜孟龍來並世
肯呼禰鴛與忘年
閉門筭珥無膏沐
不作傾城馮小憐

壯心十五亦狂顛
十五年來洗濯鮮
負郭

元無三畝宅浮家安有五湖船焚香讀易
謝來况飲綠園紅回長年不是柳桃曾作
惱安知世味有妍憐

再和顛字韻時方議開邊

鼎象烹調戒在顛或捐常饌美時鮮鷲形
不匿麈投麓劍影虛張蛟統船壯觀要還
全盛日圖回頃似中興年掩關雷電驚春
夢曼國丹心只自憐

和胡秘書有開學中釋奠

祠官環邃殿晰燎嚮晨光工有歌咸夏人
無問國庠豆籩陳古饗磬管奏和鐸盛事

留篇什賡酬愧不揚

題袁天將追遠亭

朱棗離離實已稀白雲閑傍隴頭飛因思
郎罷那得見父白子行胡不歸樹靜風號
終莫待桂芳椿老苦相遠舍南舍北尋遺
響衰草寒煙夕照晞塞困音
寶劍初期多擊鮮嗟嗟何及淚闌干美官
孰與承顏樂豐祀何如啜菽懽已矣親容
生死閻要知子道始終難共惟出自期無
忝留作松楸父遠看

次韻費同叔解朝

乞得身來作外臣，冲然肺腑自韶鈞。鹹酸
獨覺水中味，形影相依鏡裏真。入戶方聞
夫子樂，近前孰試相君。噴吳天明旦，司游
行環堵嚴於百萬人。
低頭涸轍間，波臣沃以嘉言力。萬鈞逆耳
倒言誠，愛助解嘲謝。謗返離真若，微君告
誰能及。幸不吾欺，乃敢嗔彼是紛紛。姑勿
道所期終誨作全人。

次韻 丞兄聞丁卯十一月三日朝
報

龍章晨下九重關，帝敕元兇出羽山。揭日
行空破昏闇，乘風縱燎絕神姦。須看文正
昭陵日，孰與忠宣元祐間。更願和平培治
體，儒臣千歲侍天顏。
儻來得喪本無關，或爲鴻毛加太山。縱昔
尹鼯寧有損，及今投裔在爲姦。公私界分
分明甚，狂聖途程念慮間。初學粗知真富
貴，從今克復願晞顏。

次韻虞永康 剛簡題滄江書院

邂逅滄江半日間，一川風物闖柴關。正從
逝處識流水，更向靜時觀遠山。有詠皆春
誰與點，無時不學子晞顏。相逢一笑忘言

處月墮波心不記還

次韻虞永康讀易有作

室中萬象本寬閒門戶何曾頃刻關未始
有時觀太極不終止處認兼山人文自昔
先犧昊天賦云誰不孔顏有志未能今得
友從今迷路儻知還

再次滄江韻二首

夏畦初雨桔槔閒讀易幽人晝掩關厚築
水邊時一見相逢頗恨幾年還
天然標韻聳高寒覲面松筠取有端直截
語人人不解等閑只作好花看

遠山雲抹半橫簷野色昏明水淺深庭外

沉沉人不到凜然玉雪對疎林

輕寒玉蓓試新妝已識微酸一點黃生意

溶溶無間斷何須聞笛爲沾裳

重陰浩瀚渺無濱草木摧殘見本真誰識

江南一枝信明年春事正催人

滄江卜室數年間畚築栽培僕息肩生色

油然已如此箇中自有不須禪

樹花禽語恰逢時真意相關兩絕竒獨坐

黃昏先得月呼僮點筆和梅詩

幽光冷豔照前坡花下期君不見過木落

江空歲年晚此詩朋友望西河
世間無物可談空開落榮枯實理同百樹
好花一編易主人立處儼當中

安大使丙生日

恭惟天祐日奕葉際明良積德由文武生
賢邁漢唐粵稽資殿老降自崑山陽崧極
申函粹東維傳啓祥堂堂一代直赫赫萬
天望清廟圭璋璧明堂楓柞樟詔成來鳳
翥雲滄際龍驤誰誤元黃篚爭馳赤白囊
撓槍星有耀晡曠日無光白晝鳴梟獍長
衢縱虎狼公卿失匕筋帷幄自金湯昔在

齊劉豫前晞石敬瑭久爲虜臣妾深入漢
封疆誰似機籌妙曾無矢鏃傷邊城長男
女農畝逐耕桑惠澤孚禽獸威稜儻犬羊
報勲隆爵秩紀績滿旂常事業侔伊呂功
名陋霍張巖巖千仞壁納納百川航經國
般營室憂民族念鄉直方坤立德中正泰
包荒天錫公難老神扶福孔穰冲襟凝白
谷溫語瀉天黃壽域周三蜀春祺徧一方
蓬壺擎鼻顛壺玉扣鴛鴦御府頒殊玩褒
綸下十行繡鞍翻昱爚茸纛立熒煌萬古
功名樣千年節義香九重新政理二枋孰

維綱當宁疇耆碩非公莫便章白麻颺殿
陛金袞赴文昌會整乾坤手長令海縣康
作經七六藝致主四三五自顧蓬蒿質敢
希桃李場熊占祥入夢駟頌壽如岡畫地
數勛烈指心成激昂莫馳千里足親對九
霞觴天漢江山美中書日月長願言崇令
德永作世津梁

次韻李參政

壁見謝遊龍鶴山詩

二首

北山嘗乞草堂靈媿媿高談析理精潑眼
溪光無間斷入懷月色大鮮明寒毛絡石
清可數暝靄蒸山濃欲傾相對悠然無語

處古今成敗一空評

有鳥雲飛魚躍淵聖賢見處自天懸流陰
卒卒謾空過斯道寥寥誰適傳人境恰逢
如擇地主賓良晤豈非天二章發我無窮
思不慊遺編對聖賢

次韻虞永康十月海棠

二首

冷淡庭梅儼玉顏孤高翠竹聳脩鬟如何
富貴天然質猶欲尋盟二友間
春意何曾間四時芸芸靜處錦成帷非關
造化呈新巧鈞播無心自不知

李德秀致政以其生日前一日約士

友至長慶院訪梅花山茶因以爲壽

十二月
四日

流年苦被雪霜催惟有山中自四時寒色
愁花妝歲晚曉陰挾霧放春遲似嫌俗客
不同調留與高人共勝期但願多書冲佑
考與君長伴歲寒枝

李德秀致政即席賦五言十韻用韻

答之

冬十有二月暮三百六旬高懷局宇宙良
會惜參辰乘興訪安道扣窓呼孔賓襲人
薰蕕若奪目爛犀珍風景乾吟筆林花眩

醉裊溪山逢舊識水竹樂閑人歲籥逡巡
換春煒次第新撫時差易失涉道渺無因
循物探天運冥心觀我身相期共無數不
與迹同陳

次韻黃侍郎

疇若

滄江海棠六絕

妙處東皇可得知溶溶生意不停機雨寒
日暴渾無賴憑伏陽和爲解圍

沙暖花香弄午晴苦撩詩思浩難禁偷閑
不辨追年少只有春風會此心

爲憐一片曉雲紅未放千絲暮雨濃調燮
陰陽賢岳牧滿川花意得春容

慣踏郊原浩蕩春重來春雨物俱新渠雖
自有生生意把握天機是主人

帝恐嘉花不易成好風遲日故來承繁紅
錯眩漁人眼不識滄江有武陵

指麾紅紫思無濱抵當丹青筆有神百樹
花間一編易主人意韻鎮長新

次韻王茶馬海棠四絕

一春風雨亂書堆桂口林間未放開浩蕩
和風褰客袂來看大樹簇池臺
善識花人盡倚闌不將榮悴等閑看繁華
奪目春如醉獨有懷人問考槃

右清淑堂海棠

宅在道傍如寶坊一奩明玉颺新妝當年
共賞人何在萬里相思夢寐香

右王氏花屋海棠

二十四番花信風川原何處着繁紅逢人
謾說燕宮舊廢址荒營暝靄空

右燕王宮

次韻黃侍郎疇若生子

未用占瓜泣懸知頭角踈芝蘭庭殖殖梧
竹厦渠渠虎子驅黃犢禽兒駕小車迺翁
何以遺行李五車書

題梓潼廟

士生一世果何事道喪千年不得傳富貴
熏天隨手盡詞華蓋世爲人妍直將了了
聖賢質只辨區區文字緣神爲斯人扶正
學試教夢者一醒然

題上亭驛

紅錦裯盛河北賊紫金盞酌壽玉姬弄成
晚歲瑯當曲正是三郎快活時

九月八日類試別所與同事飲而店
作

彼顛氏子太鳩張藥果丹瓢爲汝忙堆案

文書埋白日閉門風雨厄重陽酒掌友我
胡爲崇菊亦愁余未肯黃閑玩群陰藏九
九花開身健竟須償

次韻監試潼川提刑張兵部 鈞有懷

家木犀

形安宇泰即吾鄉花解隨人到處黃何事
歸心起張翰有來妙語出君房榮枯境裏
自殊觀造化機中無別香不見儋州安樂
法隨花隨客作重陽

用黃侍郎疇若韻題宇文發運瑞萱

亭二首

春風拍拍壽觴前，人有何憂樹爾萱。老眼未忘兒女愛，花隨人意瑞家園。

花開鄂鄂自相親，枝葉根心一氣春。認得箇中真血脉，孝慈天分匪由人。

用李致政韻題臨邛陳氏所居呂仙所留回道人來四字

負甕城邊閒日月，翻環門上幾春秋。東陽謾識榴皮字，南郭曾借柳樹遊。踏雪飛鴻

痕偶在寒潭過，鴈影無留至人御。氣無今古妙處疑，同上下流。呂仙舊傳一名西道人一名無心昌老一名無上宮主皆呂字也

燕新進士

已辨書生場屋緣，楓宸入對字三千。玉階喜得方寸地，屋漏如臨咫尺天。學自孔顏期用世道，非堯舜莫陳前。便聽第一鳴臚唱，衣鉢如余未足傳。

送唐述之季赴仕對

快着青冥軟玉鞭，穩騎駉耳踏雲煙。便持全蜀無雙譽去，聽賓臚第一傳。衆所望君皆爾耳，人之好我豈云然。古來名下無虛士，試玩盈科放海篇。

三十已未唱第後謝恩詩

聖皇學問富春秋，當宁宵衣渴壯猷。鵠立

銀袍天北闕龍飛金榜殿西頭彤池繆對
三千字黃甲俄輸一箭二籌初學粗知存大
躰紛更要洗洛陽羞

重校鶴山先生大全文集卷之七
重校鶴山先生大全文集卷之八

律詩

次韻眉山胡宰喜雪

龍公試手發陰機
瑣定愁雲陣不飛
老樹垂垂低欲壓
稗苗蕤蕤爛生輝
窮冬莫厭詩筒數
富歲先占訟館稀
擬待明朝約清賞
剡溪興盡酒船歸

次韻李參政壁李提刑至見和鴈湖

觀梅

春事何須羯鼓推
好春全看未花時
雨餘

庭院湖光濕人倚闌干夕暝遲正會意時
俄起起到忘言處謾期期鴈湖飲散人歸
後曾問梅花復幾枝

次韻李參政壁上劉舍人閣學光祖

滔滔陸海與潘江得似韓渠受籍瀧天下
美官容易得世間清論苦難降龍隨凡介
便傳伍鶴聳孤雲誰等雙一馬二童無計
决山中花竹揔麾幢

和別駕喜雨四絕

四山鏐日瀉黃金誰載亭臯一尺霖息處
生機無間斷劃然有頃驗天心

夏畦活活翠芊緜起視微雲尚黯然底事
化工渾不費笑余何敢更貪天
爾游爾衍與天同無處無時不感通芸鼓
漸稀鈴索靜茶煙搖颺晚香中

江頭夜釣雨連明可是漁翁太不情白鶴
縱違華表約黃鷄應念越人盟

燕孫節推揆

快着青冥輓玉鞭直驅騷耳踏雲煙等閑
禮樂三千字酬答艱難十九年鼎甲聲華
今有繼政餘事業豈無傳願君更拓勛名
地重玩盈科放海篇

人日約李提刑至李參政壁登墓願
馬上醉書

只從元日到人日便覺新年勝故年買酒
買符醉舊社宜蠶宜麥祝新田般添和氣

開花柳催送韶華入管絃我本田間飯牛
者偶來邂逅亦犁然

李提刑至李參政壁再和招鶴詩再
用韻以謝

靜看漁爵幾游鱗爭似玄裳縞袂生幾度
有書招不至應慙側翅傍他人

錦江相去幾何哉未見牕前落雪皚聲氣
同時無間斷有時夜半掠江來

鬚眉皓白何爲者未出山時舉世忙若使
當時容易致等閑鶯鶴混魚梁

弟兄孫子總英明玉雪成圖畫晴寄語

茅山何道士不須苦共鶴尋盟

再和招鶴

仰看翔翮俯游鱗物意容容各自春遙想
滄江五君子長身玉立伴閑人

声色於渠何有哉銀潢刷羽雪皚皚天邊
亦是閑游耳爭向人間問去來

蒼苔散啄傍清江被服委蛇肯肯忙清唳
九臯天聽在也知雅意笑鷦梁

肯肯未詳

蓬萊雲近綺疏明鶴砌分茶午夢清何似
林間看不足併呼鷗鷺狎齊盟

李參政壁拆贈黃香梅與八詠俱至

用韻以謝

黃雲冉冉曉蒼蒼
閑倚平湖只自香
較似寒枝雖未至
依然風韻挾冰霜
犀鎮簾帷風綽開
當庭恰似剪花回
眉間一點看渾似
笑領江南春信來
露拂薔薇不太深
春風庭院晚陰陰
來遲未入黃昏句
誰喚錢塘人姓林
入眼風光似世情
金裳玉質轉分明
額黃十二誰分似
疑是仙人成智瓊
冰魂玉骨一枝春
風格南昌舊子真
誰幻神仙黃白術
時裝近日太尖新

玄天黃露真顏色
金步搖中顫舞娃
更倩南窓書妳味
不妨來伴太常齋

和羨心事歲寒姿
若第風標舍更誰
謾道色輕花更豔
幾成塗抹水邊枝

詩翁曾任玉皇家
剛與梅花定等差
染上鞞衣宮樣淺
練裙縞悅覺無華

李參政壁約客訪西郊
海棠予以齋禁不與

十日花期九日齋
相圍紅錦爛成堆
不將小雨輕陰駐
剛把和風暖日催
詩筆都隨許昌去
春光不待牧之來
要知榮悴適然

耳明日茶蘼芍藥開

再和

茅宮日晚守祠齋爭見花如火齊堆不復
少年黃犢健仕令急景白駒催繁紅才伴
栗留至衆綠又驚鷓鴣來到會意時須命
酒莫論花謝與花開

次韻虞萬州

滄江海棠

維摩老子苗生菴門外滄江綠正涵夜雨
村村折花柳春風日日長桑蠶晚粧才記
海棠睡朝色俄看禁藥酣造化新功鎮如
此撫詩往往發余慙

上巳日約同僚過墓願晚視新開橫

江堰

拙魄雙交氣候新古今爲樂屬茲辰蘭堂
坐上皆豪逸常曲水邊多麗人顧我未能
真免俗邀賓聊復共行春却因遊豫思民
事檢校城東白虎津

題李彭州至南亭

花木精神面面金誰將好景作南園栗榴
枝上春風思鷓鴣聲中晚屐痕簷外梅簷
兄及第檻前竹鶴子生孫我今猶是數句
客遇意快時即打門

送李梁山錫之官二首

時論苦伊優如君莫肯留乖逢惟有命爵
義不同謀且袖長年手來乘淺水舟人間
初水漲一室自天遊

質行疑似鈍至論本亡竒一寸虛靈地千
年德政碑更窮山犖确毋嘆路逶遲官職
將來作天公自己知

趙深甫 年七十有親九十貧無以

養索賦詩

困齷思郎罷久無炊父日子行胡不歸負
米上堂寬帶索不妨過地戲兒衣

題三衢于勑良室

後前止字誤箋題只認連山終物時雨霽
雲收青不改悠然依舊看朝濟

次韻李彭州 至訪山居三絕

只嫌秋隘近城居無着名山萬卷書不道
入荒皆我宇獨於此處認吾廬

古剡溪頭寄短椽山陰勝韻更誰傳似聞
昨夜高軒過人怪儒衣住檐肩

不須更草北山文歸去開關掃白雲興未
盡時仍重訪我非避世可同群

次韻李參政 壁秋懷十絕

怒濤撞擊乳籠銅驚倒江邊百歲翁西望
陰霾猶未定火雲偏在五雲東

穉金老火戰重圍京落緇塵點客衣輸却
東園南閣老水花闌檻夕陽稀

塊北群靈付大鈞人生於世本何營浩然
中夜存存氣不藉西風夢亦清

書棚尚有送春詩只見秋風滿範圍夜雨
床頭多釀酒天邊一舸有人歸

月華如水恰中庭烏鵲枝頭栖復驚晚暑
三亭隨雨過秋聲一半在蟲鳴

怒雷巽雨吹塵沙樛枝草樹紛籠加可憐
荷屋風不定但有白紅三數花

河神不恤吾民勤濤頭射山危欲傾似聞
凌雲灘頭水前口肉薄幾危城

母心日日兒當歸屋山看盡烏鳥栖安得
使我如鳥飛母旁衮地爲兒啼

止處流行息處生春作夏長秋敷榮其間
毫髮皆帝力民日用之無能名

新詩妙處古人過節制場中老伏波枯腸
亦知費搜攬柰此風景觸撥何

次韻李參政壁賦墓頤新嫗 三首

墓頤江上靜無濤求逸功夫在一勞昨晚

秋風原上看長腰糲米薦琴高

夏秋雨集澮溝盈雨過江空洲渚生事到
無根元易涸要將心地作也城

八表雲昏氣候偏秋霖成澤市乘船平舟
老子閑無事看盡熙豐祐聖年

謝

魯提幹

獻子

以詩惠分茶椀用韻爲

禿盡春窓千兔毫形容不盡意陶陶可人
兩盃春風焙滌我三升玉色醪銅葉分花
春意開銀瓶發乳雨聲高試呼陶妓平章
看正恐紅綃未足褒

次韻虞萬州

剛簡

見寄除夕江村戲

臘一首

非我江山許我賒有涯生事不無涯雨添
餅餌村村秀風作羹膈樹樹花行玉盤中
看物化縷銀幡裏感年華初春心事誰人
解夢落滄江處士家

處士西城落照邊春風吹袂意冷然閑中
受用封千戶聖處功夫祿九遷竹外緩觴
留急景沙頭飽飯看豐年詩來發我無窮
思擬上滄江別看天

南郊祖帳賦五十六言呈劉左史

綠水青畦潑眼明紅英翠栢伴將迎春懷
拍拍渾無極王事忽忽苦有程迅驛星馳
驚客夢白袍鵠立喚人行所嗟文物寥寥
甚况忍同時別兩卿

許侍郎 奕同飲郊外王氏亭分韻得

風字

萬綠成帷漲晚空不知門外幾番風月拖
樹影闌干角燭挾花陰酒醖中飲雋青山
如有問曲終遠意浩無窮登臨此地知多
少氣味應難似此同

送李左史 臺郊外和范瀘州子長贈

李韻

滔滔斯世果誰歸行止乖逢自四時桃李
會看炫春晝管麻誰解漚東池雨雲翻覆
人輕薄早曠艱難女仇離源信人生歸去
好此行惟有鴈行知

別東叔西叔二兄于遂寧門外

畢逋枝上曉光和日日庭闈盼樹柯風送
驪歌驚短夢雲拖鳩雨濕長坡毋心念子
無時足王事催人不奈何但祝愛身崇令
德長教此意得天多

次韻遂寧府宴貢士即席賦二首

過盡一春花信風魚天鼓浪送蒙衝鳳翰
有日爭光睹牛角無人歎不逢選試謾稱
新漢使作成端屬舊春宗鹿鳴賸作中和
曲催送飛黃出蟻封

誰把浮華變古風顏波衮衮日奔衝人情
容易隨流去此道分明觸處逢學似董晁
猶有累文過元白愧無宗諸君自此皆升
矣更向根基厚自風

虞萬州生日 剛簡

玉湖面面碧回環六月寒飈撼屋山跨鶴
不隨■夢去卧龍甘與壁梭間漁樵是處

便爭席利欲年來早閉關拂拭石君勤把
酒照人風節兩孱顏

滄江深處汲難渾世味濃枯不見痕竹影
移枰風澹蕩芰荷搖艇月黃昏坎離合處
靈根峙剝復機中碩果存門地人才如許
秀可能投老釣魚村

初度相望十日期一尊無路扣江扉羈人
職事門重鍵堆案文書山四圍未辦五千
餘卷讀空慙三十九年非遙思道義賓朋
集夢作滄江鷗鷺飛

董侍郎居誼生日 三首

紫氣飛騫一馬馳當年輕下五雲東詩書
意味江都相琴鶴規模清猷公長嘯驅風
靜秋成精神喚雨作年豐列城香火知何
限蒸起祥雲入頰紅

上到青天更上頭好風滿地水連疇雲開
玉斧河邊戍月照金牛峽外秋舉目河山
無盡藏關心籌略最高樓辛夷花下烏塘
曲未許夫公憶舊遊

路公曩自蜀遄歸約僅踰年東政機當日
燕毛誰與並後來接踵未應稀從星元舍
陪天柱戴氣寧當遠日畿會看傳宣燕私

第賜香成霧綵成圍

王總卿 鉛生日二首

上到青天更上頭蜀人猶記舊星輶安絃
在昔猶危柱桂壁於今倚大韶棠樹留春
便野菱桂花和月引仙瓢風雲不隔連天
棧門戶三槐拂絳霄

浮雲穉經卷晴疇一目天隅盡好秋路有
醉人挑襖襖邊無嘶馬趁堯鰲開張叶氣
憑孤矢收拾豐年報冕旒小小經綸已知
此不應留滯占梁州

登冠山次瞻叔兄壁間舊韻

蘆花樸樸雪連天楓葉慘慘日滿山似識
遊人非俗客遠峯呈露玉筠顏

又到黃昏別有天落霞明水月銜山亂烟
遠樹供詩卷濁酒狂歌伴醉顏

與劉左史光祖同別楊少卿子謨于

南郊舟中用宋兵部德之韻

玉龍老子訪仙鶴冲佑散人歸瑞鳥俗事
祗今長刺促可人自昔費招呼憂時恨不
百子駿背我寧堪二大夫艤櫂黃昏不成
別書成江上送行圖

再用宋兵部德之韻送劉左史光祖

繫維不住谷中駒愛戀徒占屋上烏開漢
樓前迎劔騎臨津門外罷傳呼宅家未忍
忘賢傳衡宇胡爲戒僕夫閣束衣冠聊一
笑不爲耐辱司空圖

次韻李參政壁和薛祕書綬詩見寄

五首

寒城眺晚牛羊下翠蕩涵秋鶴鶴飛風雨
灯前話疇昔應懷坡穎不成歸
扶木之陰三萬丈曉光絕出衆山尖分明
大路平如掌朝發崑崙夕至崦
行有尚時觀習坎不終止處認兼山止中

自有流行好不在從違用舍間
將相時來應不免人生難得自由身及今
且續宋六藝莫逐蟲魚注李廵
書來寄我薛公詩磊落襟期耐我思所謂
伊人在空谷公侯逸豫鎮無期

譙申甫惠詩有隨緣婚嫁之語因次

韻贊之

幾見三星桂屋榮人生難得是青春已驚
梅實盈筐宮方待河魴下釣綸乃事未能
超俗見感時寧不念天倫隨緣婚嫁君言
是且把乖逢付大鈞

卷八終

重校鶴山先生大全文集卷之九

律詩

次韻瀘帥范郎中子長再和所送李

季允圭韻見寄

人老邊關未得歸行遠久速只安時令隨
天闊風搖領語挾春來草夢池舊壘無華
閑睥睨新機有句到侏離孤裏耿耿無人
會只傍天公作已知

新陽拆地喚春歸生意綿綿重此時青女
卷寒還朔易朱輪駕暖出咸池恩流未滲

魚猶涸禁網雖疏雉或離撫事傷時無限
意馮梅折寄故人知

題年節叟介壽堂和劉左史光祖韻
兒大詩書敵富強婦供滫瀡養尊章照盤
曉日龍爲多介壽春風玉作堂禮物皆由
天賦分家榮亦使里生光人生有子不翅
足况復孫枝習氣香

次李參政壁所和五絕句韻因以爲

壽五首

竹外臯禽相與和湖邊沙鷗自由飛美人
醉踏梅花月笑領明年春事歸

過眼浮雲齊劔次會心真趣付爐火羲皇
弭節前途路日景方中未迫崦
漠漠煙塵連北道幽幽草樹蔽南山照人
明月長無寐遶遍清風五百間

天地之心萬物靈世間難得是人身面前
放過知何限好與光明做一巡

天如有定開平治寧患無人安子思到出
手時須卓卓逢開口處莫期期

再和前韻答賦五首

群青海上迎機舞雙鴈天邊避弋飛犖犖
此心天與識滔滔斯世我誰歸

秋到山川自童涸春回草木又勾尖陰機
盡處雷居地月魄生時日在崦
甫田之田去驕驕秀大國之郊濯濯山養
且難成摧則折寧居材與不材間

別來滿眼簿書塵想像湖邊玉立身文陣
時傳騷將令愁城不倩酒兵巡

一声鳳唳朝陽裏慰我鷄鳴風雨思藐藐
大鈞那可問有才動與厄相期

書遂寧何氏穩興齋

巫峽孤舟嫌太重山陽小艇又偏輕直須
裝載停勻着更要其間御者平

赴遂寧進士期集即席賦

聘幣鳴騶選實才輦輪使者作行媒般添
春意和氈墨催送花風上翠苔世論且然
聊爾耳諸君行矣勉之哉邦人此意毋虛
辱滿貯香名萬里回

送劉類元炳奉對闕庭

突兀脩名磊砢曾一鳴冠蜀未酬公十年
解瑟無調瑟百載張弓未弛弓剝啄門邊
誰主客畢逋城上孰雌雄引吭爲作朝陽
瑞攜取香名壽迺翁

二月二日遂寧北郊迎富故事

才過結柳送貧日又見簪花迎富時誰爲
貧驅竟難逐素爲富逼豈容辭貧如易去
人所欲富若可求吾亦爲里俗相傳今已
久謾隨人意看兒嬉

二月十九日席上賦四首

野荼蘼發雪堆牆草牡丹開月照梁世眼
都隨人毀譽不知底處是真香
露漬風揉嬌婀娜煙籠日炙綠鬢鬢風流
名字時方污亦爲儀容太不矜
昨宵渾不遣花知畚鍤和根帶露移睡裏
驪珠醉中屐想花失在未醒時

年光又見一百五春意才餘十二三節物
催人渾不覺謾隨白墮看紅酡

翌日約客有和者再用韻四首

柳稍庭院杏花牆尚記春風繞畫梁二十
四番花信盡只餘簫鼓賣餚香

堆案文書長引睡起來搔首亂鬢鬢眼明
嘉卉紛紜綺竟是脩篁聳棘矜

妙處和春莫遣知晚尊隨柳逐花移落花
繡地春深日翠柳蕤空月上時

古來長恨難并四今日相逢所就二花裏賓
朋皆臭味夜涼風月更清酣

昨有禱于社稷及境內山川是夕枕

上聞雨

郊官方社詩攸重川澤山林祀所崇古祀
不修牲幣廢梵鏡聲裏紙錢風

仲春天氣似朱明翕翕炎威惱亂人一夜
簷前天雨麥曉來仍作本來春

次虞萬州韻送曹簡夫彥約守宣城

待闕

旅力方剛髮未翁不令憂樂與民同倦人
間事風塵表收天下春襟府中江北勤勞
誰念德湖南幹事未論功如今又聽還家

去緩急分明要此公

次壁間韻題懷安道王三洲王氏亭

六言

滿壁故人何在倚闌心事誰同蚤徑遊絲
罥目亂山瘦馬行空

老農不留地力萬物取具天公曲曲拗拗
夏隴枝枝葉葉春風

予以使事過成都訖事而歸虞萬州簡

成都尉高表兄拉訪靈泉宰高表

兄風雨連明遂謁朱祭酒祠即事

賦四首

簷蔔風清醉騎香滿身花影踏斜陽行花
盡處山園郭又聽松風吹客裳

青燈相對同胞弟白酒交酬異姓兄靈泉

擬嘗遣詩抵虞侯云風雨似知人有約終

宵都作對牀聲

無事江流到處平無言天運四時新貞仙

此意何曾問直到如今瞪眎人

天運無窮成變化水流不息作江淮須知

瞪處非無事莫着仙人舊草鞵

臨發潼上許侍郎奕提刑餞于東山

賦詩留別

人生出處亦何常又到涪江江上鄉山色

如逢故人語松聲仍作去年香紅棠大舶

浦清鏡翠漱白沙明夕陽未省此懽何日

更擬邀明月照昏黃

題潼川賈伯用崇雅閣出入體

寒鄉晚學恨無書亦有藏書不若無謾把

詞章作禽犢或鑽文字等蟲魚新籤三萬

幾成肆拄腹五千猶類厨崇雅主人來索

句謾哦七字勸躊躇

約客木犀下有賦

茂樹幽花兀老蒼不隨衆卉入詞場虎頭

點點開金粟犀首累累佩印章五公孫衍相印
明月上時疑白傳清風度處越黃香人才
生世元如此不為無人不肯芳

八月十四日夜約客月下賦

秋空和月卷玻璃清入肝脾觸撥詩元自
生來全體具只緣見處一分虧俗情數日
須圓候識者先幾畏滿時千古詞人誰解
道擬將今夕當佳期

即夕自和

薌林逗山剪玻璃要索人閑飲與詩不飲
清風嗤我俗無詩明月怨人虧少陵正念

西營日越石方驅北狄時滿目憂端無處
說且將醉口謾期期

八月十五日夜月意偃蹇夜久微明

須臾復晦瞻叔兄有詩因次其韻
長風送月九霄寬無賴浮雲意亦頑本自
無私長委照不應有礙似偏慳蒼生望治
東山隱四海傾風釣瀨閑潛復雖深終是
灼停腸且待夜深還

翌日對客雨中再和

風雨盲程不少寬告焉藐藐似殷頑苦於
風月佳時競甘向雲霓望處慳天象自從

盈裏缺人心正要用時閑浩然此樂無時
極應笑微之興盡還

贈相士郭灝

載小奚奴長自隨兩牛腰大贈行詩逢人
有問輒如見及我相遭不肯竒每會面時
長好好但開口處或期期道人莫是朱僊
術當與余言未及之

李微之心傳

聞其弟貫之

道傳西歸

以詩迂之劉左史光祖

和韻屬余

同賦

室中萬象鎮寬閑舒卷風烟入鳳山俯聽

候蟲坏戶去仰看倦鴈絕雲還

只期玉女是用諫肯爲金夫不有躬想見
江南兩膚使天涯顛顛鬢成翁又行李營營
遍八荒翅車炙騎趁春忙莞然獨笑無人
管寒蕙牆東蜀海棠

成翁下四句當別為一絕

公卿奏疏謾琅琅誰刃樓蘭檻鬼章巢燕
豫憂江上北幕烏未到峴之陽

滔滔斯世我誰歸置散投閑分亦宜乾鵠
頗驚仁鳥害堅冰已向履霜知

曩與劉公同一邦如今背我去堂堂京師
尊貴在朝者爲問誰能踰阿章

元夕卜油溪故事

不隨洛俗占灯影不學荆人問紫姑賣得
薪來卜油去豐年還似去年無
滿目憂端膏火煎聊將膏卜驗新年只祈
五色雲瑞世不願蚩尤旗亘天

和李參政壁正旦聞邊報

羽檄連旬月邊塵換歲陰捉衿憂見肘補
肉忍剜心天遠鳴飛急林踈驚恨深直將
歸徃地都作殺胡林

茂叔兄還鄉北郊酌別

動是三年別絕堪十日留蒼頭相與並軟

語未能休祇攬逍遙夢真成浪泊遊相期
各努力歲月鬢邊迺

次王萬里秋霖韻

江聲砧杵入層樓預作人間八月秋虹外
桂無窮遠思鴈聲鳴不斷新愁漢淮赤地
不知里已蜀青天更上頭蹇我康時分無
策只祈一飽暫銷憂

贈術士龔恢乙

龔生來過我極意論先天自得寰中趣無
言已十年

題桃源圖

伏勝高堂書已出竇公制氏樂猶傳魯生
力破秦儀陋商皓終扶漢鼻顛隱者寧無
人禮義武陵獨匪我山川若將此地爲貞
有亂我彛倫六百年

題賈伯用軾大龍阡

積薪寢火漢公卿爛額焦頭城郭臣新汚
精神開白日三泉血淚濕初春舊聞撇難
須男子誰識先機有婦人添入開禧忠義
傳擬將笄珥易冠巾

次韻李參政壁龍鶴山廬

山色醉痕邊溪聲客枕前山溪元自舊人

已別經年

又

天公富萬有秋事不魯貧

靜閱歲時信動觀天地仁

又

莫使兒輩

覺從渠青紫紛馬前金罷亞鳥外玉齋論

又

世事從頭數時機觸眼奇山靈莫留

客大夏要人枝

李參政壁約至井監偶得三絕

忽聞車馬下天來擁術闐衢撥不開六十
七年無此客竈前老隸亦驚猜
不乘轆轤上公車軋軋肩輿兩僕夫世道
險夷隨所遇車中只是舊時吾
溪邊鵠白蘆花瘦山下鵝黃稻實肥更得

天公晴十日今年稽事庶乎幾
題成都憲江公亮公廉勤謹忠信和
柔六箴
勤似忉忉廉揭揭謹疑蹢蹢信恹恹佩常
董子柔成緩專瑟梁丘和近同義利只差
絲抄忽功夫端驗始中終六箴須把公忠
貫公處還歸一字忠

自長寧阡過靈泉兄暮焚黃經從隈
支以歸

晨策犯層巔危如峭壁緣溪明人在地路
絕馬行天松倚露雲立稻依霜雨眠不知

歲年晚撫事亦悠然

李參政壁生日

文章心印老傳家閑弄湖霜拭劍花時事
令人添白髮只憑書味養靈芽

天馬流行不見痕黃鍾吹籥煦乾坤坎離
互處靈根峙剝復機中碩果存

才紀官來早去官行人驚說路艱難行藏
用舍何關我時把尼淵出處看

歷盡玄枵十二辰飽看三十六宮春繞噴
一霎挂龍雨又卷雲霓還翠旻

梅豔凌霜帶雪餘露華洗盡玉生膚東方

千騎推人去聊折春風寄鴈湖
絕啗梁夢誤金甌又嘆祁征困木牛只藉
人才作元氣聞公安健百無憂

安宣撫生日

丙一

知是皇家幾世仁天開人物作長城元崇
雅號濟時相景略真成間代英天路旂常
鋪績用中原草木識威名北征西略公餘
事應念同胞百萬生

踈鷙煩公刮目看肯待諛語祝加餐千鈞
弩上機寧易百尺竿頭步轉難事遇快時
聊復忍民當急處略須寬掃除荆棘栽黎

棗累壁重圭耐歲寒

和楊仲禹送史子修特奏赴吏部注

闕

科名寧較後先題嘆老嗟卑世所迷須識
是間天地似要知立處聖賢齊人情一理
塗塗附古道千年印印泥屬子隨時崇令
德窓前紅日未全西

和除夕前一日南叔兄會楊仲博約

楊季穆詩

玄裏探幽識罔冥易中觀象見文明心虛
有友皆三益宇靜無時不四并物理玩來

成獨笑年華見慣漸忘驚只餘親友關天
分離合鍾情不肯平

人日南山寺約汪憲杲

天開三十六宮春又見階莫七葉新雨足
翦來齊麥壠時和看不斷遊輪記曾英蕩
為使客却擁朱轡作主人客主何常均寄
耳繫邊認取本來身

正月九日北山雍熙寺約同官

自從寒陸爽乾坤律呂還宮歲換辰曆紀
人正纔九日斗移天位已三春銷磨壯士
姑隨俗牽引閑心苦為人終愧時難才力
短只將民命倚洪鈞

春社日祀事既畢轎中得三絕

風雨聲中聽李陵起來被服對神明歌鍾
才徹車轡動歸到譙樓恰五更
輒然憑軹受風吹吏皂前驚雨濕衣豈識
主人非崛強一川生意索寒幃
陰霧冥濛慢鼓鞳田坡勃窣誤輪蹄居人
閉戶未忺起太守車前一尺泥

觀南隄

吏報南郊役事休好風吹袂到江頭長隄
飲水馬非馬疊石護田牛戴牛現考處處

女筐蠶望歲禮記見村村社鼓麥祈秋守
臣不辦康時策只把農夫作已憂

正月九日川上之遊楊季穆緝以酬

唱見寄走筆次韻

雨中未放笑眉開獨守空齋著玉杯觀水
功夫隨處見逝川意思即心來

次韻李參政壁見寄三首

自失鷗邊約應羞鶴上人竹荒青翼短書
遠墨題親世事方嘗膽時賢謾飲醇國疑
誰為嗣公子急振振

怕放紅樓目浮雲斷復連遠看壺聚橐近

眎室如縣耿耿自許國悠悠誰訊天天心

那可識柱頰看晴川縣與縣同

湖畔三頃秣釀成聊獨斟積薪傷汲直求

舊感遲任夢裏牛山峻吟邊鴈泊深兩鄉

明月夜應照舊登臨

重校鶴山先生大全文集卷之九

重校鶴山先生大全文集卷之十

律詩

次韻李參政壁見遺生日

六月不知暑湖風漲晚林憑闌追舊夢馳
驛寄新吟出入三朝意卷舒千古心感余
不暇懶牕影午蟾侵

月暗書中色霜彫鏡裏年滔滔時易失落
落意難傳信已終違俗隨人謾辱先輸他
南閣老歌玉弄寒泉

幸有鶴山房圖書統夢香况慙聞道淺何
苦爲人忙五斗米非分三間茅可長何當

重操几同踏古松岡

送王教授辰應之官臨邛

贖喜人從義理趨却憂未習墮浮虛未通
經術先談傳祗送人言不識渠偶向檐頭
覓桃李徑從紙上索鳶魚君今去主師儒
席後倦先傳謹在初

余既賦詩坐客請以唐家人花車斜

韻同賦醉中作五十六言

人生偶被浮名誤徃徃貪程不識家醉眼
亂穿青草屐狂心長戀碧桃花舉頭大道
平如掌入鬢韶光轉似車是乃吾憂今贈

子情親語直字歌斜

八月十四夜月用舊作韻呈諸友

鬢髮成宣面欲黎逢人耻誦故年詩才觀震
象應知滿未睹乾爻已識虧止處光明渾
在裏偶然顯晦謾隨時風光流轉渾閑事
要與知心結久期

應提刑懋之以十五日韻見示再

次韻

大圓垂象曉群黎猶送昨宵畏滿詩要看
天行嫌位亢若言人事惡功虧離於正處
元爲利坎到盈中乃識時疑我冰輪公賜

厚敢申餘義副襟期

九月丁亥秋祀畢勞農北郊蘇提幹

在鎔以疾不往以詩見寄因次其韻

秋嘗事畢與賓遊神惠如臨不敢留騎吹
一川松露曉踏歌千里稻雲秋函公堂上
兕觥薦鄆使溪前經律諏盡日臨民看不
足歸從蘇子靜中求

李參政壁生日六首

已露明年造化機便將六十四年推後天
八八無窮數一畫初自此基

歲月陶鎔兩鬢毛坐看時事亦滔滔可能

只袖區中手鎖在湖亭讀楚騷

八十踰躓老阿兄一窓風雨伴雙清武昌

近日音書少時聽湖邊過鴈聲

瀉出清明醉眼醒都人彈指祝前星憑誰

提起源頭話治國齊家要六經

婆面花開未果馴夏人兵馬薄熙秦誰將

鞭策時隨運十數年間日日新

分付諸兒自致身朝陽閣上看長春梅邊

認得真消息徃古來今一屈伸

次韻蘇和甫在鎔雨後觀梅

歲寒賓友伴蕭蕭客氣無根已盡凋踈影

照人騷夢冷清香徹骨醉痕銷話逢理到
春生坐飲爲心知月滿瓢更祝天公多雨
麥時攜樂酒酌芳條

海潮院領客觀梅

竹外蒲牢挂晚晴霜威洗出月精神山無
此客林泉活詩到茲遊景氣新元是當年
鄞縣北不知幾度梓州春梅邊認得真消
息徃古今來一屈伸

嘉甫弟生日

山居面面接青天更把青天觸處看心事
和平官職耐家人順正室廬寬栽培桃李

扶春意長養松篁伴歲寒八門戶千鈞今付
汝書來時寄我平安

瀘帥曹太博叔遠生日四首

荔香搖艇下瀘川自別君侯十八年耐我
調飢刻爲歲爭如兩日徃南田

天馬無蹤運四時試將六十四年推後天
八八方來數加倍無窮自此基

十年更瑟不曾調百載張弓未肯弔隨事
提擲民受賜寧論外服與王朝

犖犖聖門心事長悠悠客路鬢毛蒼東南
人物寥寥甚扶植斯文我所望

舟至合江度周卿正以詩相迓次韻
雨滿長空水拍疇荔香松色倚江流半牕
燈火千年夢萬里風波一葉舟謾道班卿
若仙去誰知謝傳正同憂西歸待我期相
告橫被風師三日留

將至古渝虞憲剛簡以三絕同端午
節見寄用韻爲謝

故山朱果恰離離翠竹青蒲護衆菲夢裏
不知身造闕閑隨白鶴照江衣
鬢邊憂緒已千端誰喚扁舟下僕干落日
明船劔如電勇心觸撥到樓蘭

蓬窓暑雨氣低垂不記龍舟競渡期詩卷
打門驚節序滿盤角黍正纍纍

萬州守潘叔豹拉登魯池觀荷花荔

枝

密林和雨翦離枝曲徑留陰切藕絲自入
渝涪山色惡眼明見此魯家池
分隨猿鶴老隈枝趨詔重來兩鬢絲邂逅
一觴莫辭凸能禁二十載差池

和崔侍郎與之送行詩韻

昔歲厓危日煩公疋馬來人心成勝執天
理是良媒料傲精神集扶持氣脉回黃宮

才一點有許到葭灰

軋軋度空明懷人夢不成蜀天隨處見危
酒與誰傾多事鬢毛改長途解肉生隨流
渾未定鼻息滿船鳴

即席和丁夔帥黼送行詩韻

人生行止莫非天去國重來十七年學自
孔顏期有是道非堯舜敢陳前憂時正念
梁甌缺視已當如趙璧全若得時清身不
辱儘教人道是登僊

眼明織翠剪新詩勉我當今尚可爲知覺
斯民知覺我溺飢天下溺飢誰志亨不啻
身窮達詎正寧論効疾遲倒盡玉瓶談未
了沙頭忍淚與君辭

和夔漕王觀之韻

開濟堂前送櫂歌淵淵船鼓伐靈鼉雲埋
白帝千山小浪拍青天一葉過邂逅天涯
驚易別顧瞻水劑得如何惟餘報國忠肝
在鐵石云堅尚可磨

成都別酒幾何年再見江濱豈偶然胡不
握蘭居紫界却來轉粟上青天鵬圖海溼
騫新味鴈斷衡陽感舊聯國子先生書在
笥願從熟路力加鞭

生日和辛江陵克承即席韻

有生同得本來公
凜凜淵冰保降衷
多愧行年稱有子
長懷當日謝無功
羈蹤不稱歌三拜
淺量難堪酒一中
飲盡玉瓶天地濶
不知身客楚臺風

笑語聲中別有天
巫雲楚岫玉明船
冷風入坐酒無力
斜日媚空花欲然
獵獵旗風猶夏五
搖搖帆影立秋千
他時輦路追今夢
儻許陪公髮未宣

李季允臺作吞雲樓索詩和總漕韻

答之

柵新飛觀走狐嗥
樓鶴洲鸚賀此遭
整暇旌旗登截業
奔波舟楫笑嗷嘈
宅中平後規摹拓
燭理明時運量高
須信是間天地似
詞人雲夢特秋毫

舉頭無語望天高
有許功夫歲月怕
萬竈貔貅仰膏雨
百年事業倚江濤
雲橫紫邏憂千緒
露立蒼生命一毛
昨夜西風弦月魄
可能無夢到神臯

艤舟琵琶亭次福士張元龍以詩代

東韻

人生行止莫非天
萬里風波一葉船
時有

賓朋慰牢落寧論遠道困行躔
樂天未信果知天枉爲琵琶絃繫船須識
屈信常事耳暑寒代序月移躔

楊仲博約生日 四月二十

平郊雨足蟹魚肥遠水涵空鶴鶴飛相對
不知身是客兩家兒女綵成圍

玉粹金渾好弟兄向來馳譽鬢雙青世間
賢美寧常有百歲三亭過一亭

任敦寒峻着先鞭儘使權豪紊選班縱謂
我迂蚩我矯箇中所負重於山

史倉使定之約登齊山自弄水亭過

清溪橋至壺天洞洞乃史新作或

曰此即左史洞又至華蓋洞翠微

亭史倉索賦

自分宇宙有江山獨覺新年勝故年水拍
大堤人射地路盤絕嶮馬行天松蘿苒苒
開還密洞谷豁豁斷復穿理道元來無隱
爾人從紙上看天淵

李池州 和韻見寄再賦以答之

晨策隨鳥瞰屋山面前只尺隔同年邛人
自愛橘中樂晉客驚逢洞裏天行傍輜軒
心半醉坐看戟衛眼雙穿西風一夕驚龍

睡撼取明珠出九淵

高不疑斯謀與客登梁昭明釣臺李
肩吾和前詩見遺用韻謝之

籃輿軋軋度齊山文獻風流數百年遙想
牧之歌晚月門尋白也詠平天只餘釣水
梁臺在未辦登山謝屐穿多謝秋風吹好
雨如陪杖屨俯魚淵

十八日上壽退 賜坐十九日貢院

錫宴二十一日 紫宸殿御筵即

事七首

珂織搖心夢不成忽聽吏皂放衙聲吹燈

撥火供晨粥起到皇城恰五更

嚴妝列衛啓宸居百辟滔滔若貫魚後幄
宰臣先奏事猶隨郎從立前除

有次鞭鞘陸續鳴赭袍當殿萬簪纓群臣
拜舞分行坐十味肴羞酒五行

就鞠尋橦列廣庭吹絲按竹布前榮卿即
朶殿渾無見只聽時時萬歲聲

再坐猶餘四屈危筋駑肉痺股生眠侍臣
醉飽皇歡洽更看終場角抵嬉

蛾眉班捲戴花回遙望君王玉色開畫楯
諸班謝茶酒尻高背下一聲雷

十七年間作外臣重來三日齒嘉賓天顏
不減當年澤點檢同朝共五人

和楊尚書汝明韻送蘭恭甫歸永康

夢遶秦祠月半稜歸尋岷嶺雪千層儻來
富貴埋藏蟻儘大科名筆誤蠅頭驗家庭
真事業更追簡冊淡交朋他年再出爲時
用莫遣功夫似不曾

十二月九日雪融夜起達旦

遠鍾入枕雪初晴衾鐵稜稜夢不成起傍
梅花讀周易一窓明月四簷聲

十日夜聞風聲

雪盡冰漸涕亦晴布衾紙帳復求成卷書
擬續前宵夢一夜狂風撼戶聲

臘日同舍郎即湖上送諸葛吏部節

赴湖北常平次汪吏部立中韻

繡衣銜命去祖帳爲王留大舶滿青鏡寒
雲明玉舟歲餘官事省蜡畢吏功休千古
行藏意梅邊細講求

楊尚書汝明和晴字韻詩適趨部宿

再韻謝之

靜將軀榦驗陰晴風雪中間玉汝成襍被
今冬陰陰夜更無刺刺耳邊聲

冬冷陰陰我獨晴
世間寒暑本思成
玉珂金鑰聲中睡
無限山林入耳聲

袁都官甫同前韻賦二詩一章問易

邊賦唐律二章索奏劄錄本

那得閑功詠雪晴
風光目解湊詩成
湏知隱顯無非易
千古人心只一聲

一天西雨又東晴
喚作陰晴雨不成
朝睡着人渾未覺
鳴嚶枝上一声声

次韻楊尚書汝明立春

帽屋釵梁剪綵新
誰知井底及池瀕
只從陽月方中日
已作明年第一春

行玉盤中驚杜老
扣窓聲裏喚祈賓
扶持大道湏公等
正恐鄉車未可巾

魯少卿煥約飲即席賦

深院簾旌晝掩門
海牛挂出好乾坤
日烘花影漲春膩
風撼柳絲明醉痕
極目翦來齊翠嶂
關心看不斷青原
明朝又逐文書去
且盡今宵極意論

八月七日被命上會稽沿途所歷拙

於省記爲韻語以記之舟中馬上
隨得隨書不復敘次二十首

片帆孤艇趁潮生
隔岸平疇喚得應
上到

渡頭大歡喜泥行十里是西興
紫幙青繖雜旌旗烏帽銀撾從鼓鉦導哄
略如州別駕無人知是漢庭卿

未到錢清四易舟微軀兀兀任沈浮山陰
境裏平如練一夜安眠到越州

越州官吏出郊迎騎從香輿舍止明只把
誠將聖孝堯眉舜目儼墻羨

御香三日出齋廬騎至城東下鑑湖瀰望
湖田連蕩地菱花面目半模糊

三十六源光奪鑑九千餘頃稻盈車何年
使客傲微利不管稽陰數萬家

先從攢殿拜昭慈尚想從容鎮事機九十

三年神馭邈架施猶是舊裳衣攢殿上說

花傘帳帳如平生榻前有施架設衣裳

四帝則帶匣僕帽終道服衫袴乃常

之制狄小昭慈尤甚帝帝黃羅帳黃襪昭

以嘗卑簾聽政亦以黃餘五后皆以乾紅

昭慈大衣以紅番羅憲聖成肅諸后以黃

未次從祐阜至思崇宮先昭慈次永祐上

道便下宮次永阜下宮終永崇周之日以

攢影俱分上下宮攢宮號上宮聞似八陵

舊山水地垂西北聳南東
一位肴盞酒一卮祠官熏灌祝陳祠降升
六拜焚詞罷六日精神用一時

周官雖有墓為戶細考元非墓祭儀十九
年間讐未復陵攢雜用最甚悲

新婦尖連趙家壩憇龍山望上皇村若言
此兆為前定人事是非都不論

沛宮魂魄只思歸不道蒼梧與會稽帝后
精神天陟降寧分南北與東西

海邦氣候異中州襍被來時八月秋滿枕
松聲眠月露夜深仍與被為仇

禹穴元從一罇通禹陵元在亂山中
龍瑞文謂開元龍洞見更有崖石龍裂處或謂為

穴別大有禹廟廟為村海所填禹穴甚古元圭不
知乃漢魏間所造然名曰帝火禹陵在

最膏人亦罕飲泉窆石皆如此誤却東遊
大史公來亦古然泉淤濁無足取

吳會元從二郡呼今將吳會指姑蘇稽山
當取舊經說按方氏東南口楊州其山

禹穴難憑遁甲圖遁甲開山圖禹治水得
稱志謂在縣東南十里者得之疑不止此舊謂

千秋舊址益鴻禧舊名千秋觀嘉定十三
引黃帝中經云禹得金簡玉書字唐元白

公宅豐碑新敞越王祠前廊後廡皆刻越
為號之大夫敕額祠宮盛一時遺蹟猶存賀

越臺雨整壓層巔下有蓬萊鎮越顏柱笏

正當秦望巔遠城總號會稽山

微之曾謫會稽居州宅詩聯畫不如繞閣

煙嵐新雨後滿山樓閣上燈初

會稽太守約重論邂逅新安共一尊新徽守表

郡中甫過此赴郡同踏月歸來已丁夜又

乘朱舫出西門

風順朝平日脚收錢塘江上遇中秋堂堂

背月爭門入要把平安報冕旒舊例朝陵

以往返不過九月歸即約任千載逢大卿同王萬里楊仲博

約汎湖任賦二詩和其韻

滿日親朋似故鄉夢邪非夢夢何長春風

坐上白雲履玉鑑光中明月璫酒到湖山

嫌遜避話逢氣類省稱量謝家內集如斯

否一味詩書無別香問曾心紫青人更然

翠舫青簾白玉舟風輕日淡相茲遊芙蓉

覆地錦衾爛楊柳雕空印篆繆月上酒痕

渾未覺山撩詩思浩難酬頗憐此會何時

又相伴江湖歸去休

西叔兄生日

從渠冷煖廣文君發越春和別有根樂意

融融兄及弟慶流衮衮子生孫
只把農功作已憂不將歲事與天謀
官修事舉文書靜一室高眠粥似稠

上壽班齊日未升風廊露幙立公卿
親聞商略西南彥爭說高家好弟兄

十八日班上

公卿以下待次于殿廡隔簾聞

有稱高氏兄弟之賢者

花底班行錦樣明中間寧少紫青人
更無入誦成都賦擬抗聲來問大鈞

後殿侍立三十一日十五日追錄于此

禁城鼓鐸曉逢逢風滿衣裾靴滿霜
守得門開騎馬入又同承旨步脩廊

須臾陞衛儼成行禁蹕聲聲輦出房
靴笏趨陪西府拜却更絲履立東廂

奏事臣寮下玉階舍人承旨殿東來
一聲門外無公事皇帝還宮侍衛回

後落



原件短缺

門外無公事
皇帝嚴宮對
辭回
對
奏事百寮不
王昔令人
承旨
趨東來
一
歐
荀
西
林
軒
性
更
絲
舞
立
東
風
賦
賦
曳
綉
備
謝
知
侍
禁
輟
整
簪
出
步
墀
前

臣僚未下殿
朱衣綵履上東墀

夏至日祀闕伯于開元宮前三日省
中齋宿三首

書生只慣野人廬
誰識潭潭省府居
獨坐黃昏誰是伴
紫微閣上四厨書

朱榮鉛砌拱都堂
靜閣明窓夾主廊
外省諸司西側畔
樞寮却在東廂

朝罷歸來政事堂衣冠物宇驚成行須臾
排馬還私第一片閒庭鎖夕陽

新繁縣木登九穗嘉甫弟有詩索和
長官真是委邊鬼積累如山姓裏來認得
兩間無二本只將一念貫三材異形所感
猶如此同氣相孚亦信哉陸續功夫寧有
已相期更驗添雕開

講

筵侍立

十二月二十一日
三首

晨趨東殿侍天顏奏事班回帝輦還繞向
內門需少選諸璫有趣講筵班
須臾講殿報班齊拜罷東升一半西兩序

公卿皆賜坐史臣講讀右階齊
御前親賜密雲龍講罷分行帝在中起揖
坐嘗還再拜侍臣趨出輦還宮

十二月二十七日宰執率百官請大

行皇帝謚于南郊曰 寧宗紀事

四首

騎至南郊曉色蒼須臾陪拜儼成行兩班
吉帶羅朱紫惟有齋官服冕裳

禮屬群趨上宰前兩郎奉冊侍臣宣壇前
拜跪升煙罷隨處群工著奏篇

遇雨權將屈作壇昊天神主位中間吉凶

異制令參用今古殊宜亦並班
却向慈雲巖上還梅花合道日籠山馬蹄
十里搖歸夢疑在小園松竹間

和王太博萬齋宮夢中絕句

晴輕風冷凍寒重日生煙謾道中和節天
顏正揪然

題洪崖安道人墳菴

當年過我兩安君白酒黃雞話夕曛藜杖
看山頭拍背褒衣論事齒穿銀平生大面
三間屋客死洪崖數尺墳身後更無錐可
寄忍看斷鴈泊孤雲

題蘇文忠與鄧安惠西山唱和

春風吹上黃岡獨倚斜陽看武昌城郭
山川幾興廢祇留元祐姓名香

鶴山集卷之十

十

春風	川										



